

AVE: 25514.67 Circulation: 8756 Part: 1 of 1

ERIN BURGER Koelkop senter maak geskiedenis in netbal

100ste vir Proteas inspireer jonges

Annchen Nel

Die legendariese Erin Burger, 'n senter wat 'n hele paar kilometer in elke netbaltoets hardloop om die bal so vinnig moontlik by die doele te kry, maak vandag geskiedenis.

Wanneer die Proteas vanmiddag in Londen teen Australië in die vierhoekige reeks speel, sal sy die eerste Suid-Afrikaanse speler word wat haar land in 100 toetse verteenwoordig.

Sy het op 22 Januarie 2007 as 19-jarige haar debuut teen Engeland in Birmingham gemaak. Burger sê vandeesweek sy

kan dit skaars glo.

"Ek het nooit gedink ek sal so lank speel nie. Gelukkig het ek nie te veel beserings gehad nie. Ek is werklik geseënd.

"Dit is 'n mylpaal om my land in soveel toetse te verteenwoordig. Dit wys vir jonger spelers enigeen kan droom om vir haar land te speel.'

Hoewel dit 'n groot opoffering is om so lank te speel, bly dit steeds lekker, sé sy.

Dié 30-jarige Pretorianer beskou vandag se wedstryd egter as net nóg 'n wedstryd.

"Alles gaan oor die span en nie oor my nie. Ek twyfel of die span iets spesiaals beplan.

"Ons wil voortbou op dit wat ons verlede jaar teen Australië. Nieu-Seeland, Engeland en Fidii bereik het.

"Ons wil nie net goed vaar nie. Ons wil bestendig wees en nie bekend staan as 'n span wat net een keer 'n goeie uitslag behaal nie.

Suid-Afrika het verlede jaar geskiedenis gemaak deur Engeland pak te gee.

Hy het ook goed gespeel teen die Australiese Diamonds en die Nieu-Seelandse Silwervarings. Dit het die netbalwereld se top

spanne skielik laat besef die Proteas word nie meer maklik geïntimideer nie.

Burger se hulle besef die vierhoekige reeks gaan 'n moeilike uitdaging wees.

"Almal wil goed vaar. Al die spanne berei nou voor vir die Statebondspele."

Sy self sal graag in April aan haar derde Statebondspele wil deelneem. Sy het Suid-Afrika in 2011 in Delhi, Indië, en in 2014 in Glasgow, Skotland, verteenwoordig.

Burger het ook al drie Wêreldbeker-toernooie agter die blad: in Auckland, Singapoer en Sydnev

Sy is in 2011 in Singapoer as die Speler van die Toernooi aan gewys

"Ek sal tot 2019 wil vasbyt," sé sy. Die volgende WB-toernooi word dan in Liverpool, Engeland, beslis.

Burger het al twee stresfrakture in die voet en enkel gehad en 'n groot deel van 2012 se seisoen misgeloop.

In 2016 het sy 'n wangbeen gebreek, maar het met 'n gesig masker aan steeds aan die Diamantliga deelgeneem.

Burger is 'n gebore en getoë Pretorianer, wat in 2016 net 'n paar maande in Stellenbosch gewoon het en vir die Stings en die Wes-Kaap gespeel het.

Sy was kaptein van die Wes-Kapenaars toe hulle die provinsiale toernooi in Durban gewen het

Sy is al sedert 2013 ook 'n afrigter en eienaar van die netbalskool Extreme Netball saam die Kapenaar Anso Kemp.

"Ons is reisende afrigters. Ons gaan na skole wat nie altyd kan bekostig om kursusse by te woon of te kan toer nie. Ons reis oral in ons pragtige land. "Ek doen waarvoor ek lief is.

Dit is wonderlik. Burger is die laaste paar jaar

ook 'n hulpafrigter vir Jenny van Dyk by Tuks en ander Noord-Gautengse spanne.

Sy het verlede jaar vir die Queensland Firebirds in die Australiese Superliga gespeel en is genooi om dié seisoen terug te keer.

Burger het egter daarteen be sluit.

"Dit was 'n moeilike besluit, maar ek wil eerder op my besig



Erin Burger rank hoog om balbesit vir Suid-Afrika te verseker in September 2017 se geskiedkundige oorwinning oor Engeland in 'n vierhoekige toets in Invercargill, Nieu-Seeland. Op die agtergrond is Beth Cobden van Engeland. Foto: GETTY IMAGES

heid fokus. Ek word nie jonger nie!"

Burger sal vir die Noord-Gautengse Jaguars beskikbaar wees wanneer die nasionale Premierliga ná die Statebondspele begin. Norma Plummer, hoofafrigter van Suid-Afrika, het vandees week op Netbal Suid-Afrika se Facebook-blad gese: "Ek het Erin die eerste keer vir die Proteas sien speel in 2011 by die Wêreldbeker-toernooi in Singapoer, toe ek Australië afgerig het.

prys as Speler van die Toernooi besorg. Dit is 'n besondere prestasie en eer vir enige speler in ons sport.

"Erin is 'n slim speler. Sy lees die spel goed en deins nie terug vir die beste ter wêreld nie.

"Sy lyk altyd in beheer, vou nooit onder druk nie. Dit lyk altyd of sy hope tyd vir besluitneming het.

"Die Proteas en NSA is trots dat Erin die eerste een word wat in 100 toetse speel.

"Ek is geëerd om haar in haar 100ste wedstryd af te rig," sê

Plummer.

Engeland en Nieu-Seeland pak mekaar vandag om 20:00.

Die Engelse Rose speel ook Maandag tuis teen die Aussies.

Die spanne reis dan na Johannesburg, waar die Proteas Donderdag om 19:00 teen die Kiwi's te staan kom en volgende Sondag om 14:30 teen die Engelse Rose.

Nieu-Seeland en Australië pak mekaar volgende Sondag om 12:00.

Die wedstryde word in die Ellispark-arena beslis.



This article is copyright protected and licensed under agreement with DALRO. Redistribution, modification, re-sale of this is not allowed without prior written consent of the original author of the works.



"Haar vertonings het haar die